

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
**Odbor za ekonomsku i
razvojnu politiku, finansije i budžet**

Broj: 02/11-02-2206/23
Sarajevo, 08.09.2023. godine

**DOMU NARODA
PARLAMENTA FEDERACIJE
BOSNE I HERCEGOVINE**

Odbor za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine, na 6. sjednici, održanoj 8. septembra 2023. godine, razmatrao je:

1. Informaciju o formiranju ekonomskog kluba,
2. Poziv na usvajanje zaključka kojim se od Doma naroda Parlamenta Federacije BiH traži da od Vlade Federacije BiH zahtjeva da prilikom izrade Rebalansa budžeta FBiH za 2023. godinu izdvoji dodatna sredstva za fond solidarnosti Federacije BiH odnosno da prilikom izrade budžeta Federacije BiH za 2024. godinu, podrži izdvajanje sredstava za potrebe rada Fonda solidarnosti Federacije BiH u skladu sa odredbama Zakona o zdravstvenom osiguranju Federacije BiH koji je na Odbor dostavljen od strane CCI 01.09.2023. godine.
3. Urgenciju prema Vladi Federacije BiH i traženje izvještaja o realizaciji usvojenih zaključaka na 3. sjednici Doma naroda održanoj 31.07.2023. godine u vezi Agencije za privatizaciju u Federaciji BiH.

Na osnovu člana 51., a u vezi sa članom 65. Poslovnika o radu Doma naroda Parlamenta Federacije Bosne i Hercegovine, Odbor za ekonomsku i razvojnu politiku, finansije i budžet podnosi Domu naroda sljedeći

IZVJEŠTAJ

1. Informacija o formiranju ekonomskog kluba

Predsjednica Odbora je informisala članove o inicijativi NDI za formiranje ekonomskog kluba koji bi predstavljao neformalno tijelo sastavljeno od poslanika i delegata Parlamenta Federacije BiH i Doma naroda u cilju aktueliziranja ekonomskih tema. Informisala je Odbor o održanih nekoliko sastanaka kao i prvom radnom sastanku na kojem je otvorena istraživačka faza u radu ekonomskog kluba koja bi trebala da definiše polja i aktivnosti koje ekonomski klub može sprovesti a kojem su prisustvovali i predstavnici Privredne komore, BH Telekoma i udruženja Freelance. Također najavila je naredni sastanak sa predstavnicima Udruženja poslodavaca i predstavnicima Obrtničke komore Federacije BiH. Pozvala je i ostale članove Odbora da se priključe radu ekonomskog kluba.

Informacija je od strane članova Odbora primljena k znanju.

2. **Poziv na usvajanje zaključka kojim se od Doma naroda Parlamenta FBiH traži da od Vlade Federacije BiH zahtjeva da prilikom izrade Rebalansa budžeta Federacije BiH za 2023. godinu izdvoji dodatna sredstva za Fond solidarnosti Federacije BiH odnosno da prilikom izrade Budžeta Federacije BiH za 2024. godinu, podrži izdvajanje sredstva za potrebe rada Fonda solidarnosti Federacije BiH u skladu sa odredbama Zakona o zdravstvenom osiguranju Federacije BiH koji je na Odbor dostavljen od strane CCI 01.09.2023. godine**

Centri civilnih inicijativa su Odboru za ekonomsku i razvojnu politiku, finansije i budžet Doma naroda 1.9.2023. godine dostavili Poziv na usvajanje zaključka kojim se od Doma naroda Parlamenta Federacije BiH traži da od Vlade Federacije BiH zahtjeva da prilikom izrade Rebalansa budžeta Federacije BiH za 2023. godinu izdvoji dodatna sredstva za Fond solidarnosti Federacije BiH odnosno da prilikom izrade Budžeta Federacije BiH za 2024. godinu, podrži izdvajanje sredstva za potrebe rada Fonda solidarnosti Federacije BiH u skladu sa odredbama Zakona o zdravstvenom osiguranju Federacije BiH.

Nakon obavljene rasprave članovi odbora su odlučili da donesu Zaključak kojim pozivaju Vladu Federacije BiH da putem nadležnih ministarstava ili na drugi način, što hitnije organizuje sastanak sa Centrima civilnih inicijativa i drugim zainteresovanim organizacijama kako bi se prilikom Rebalansa Budžeta Federacije BiH za 2023.godinu izdvojila sredstva za potrebe finansiranja Fonda solidarnosti Federacije BiH u skladu sa Finansijskim planom Zavoda zdravstvenog osiguranja i reosiguranja Federacije BiH za 2023. godinu čime će se omogućiti ukidanje postojećih lista čekanja za najteže oboljele pacijente u Federaciji BiH, te da prilikom kreiranja Dokumenta okvirnog Budžeta Federacije BiH za 2024. -2026. godinu i Budžeta Federacije BiH za 2024. godinu uskladi svoju obavezu za finansiranje rada Fonda solidarnosti sa odredbama Zakona o

zdravstvenom osiguranju Federacije BiH ("Službene novine Federacije BiH", br. 30/97, 7/02, 70/08, 48/11, 36/18 i 61/22).

U vezi s naprijed navedenim članovi odbora su donijeli i slijedeći:

ZAKLJUČAK

1.Odbor za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine se stavlja na raspolaganje CCI u organizovanju početne sesije – radnog sastanka na temu otvaranja dijaloga široke zajednice sa ciljem rješavanja problema finansiranja rada Fonda solidarnosti Federacije BiH i eliminisanja liste čekanja. Na radni sastanak bi bile pozvane sve relevantne federalne i kantonalne institucije, predstavnici ministarstava i nevladinih organizacija.

2.Odbor zadužuje članice Odbora Jelenu Pekić i Belmu Kapo da zajedno sa CCI i stručnim službama Parlamenta Federacije pokrenu aktivnosti oko organizacije istog te da upoznaju Odbor sa tim kako bi se za realizacijom sesije krenulo u što kraćem periodu.

3.Urgencija prema Vladi Federacije BiH i traženje izvještaja o realizaciji usvojenih zaključaka sa 3. sjednice Doma naroda održane 31.07.2023. godine u vezi Agencije za privatizaciju u Federaciji BiH.

Dom naroda je na 3. Sjednici od 31.7.2023. godine usvojio zaključke kojima se zadužuje Vlada Federacije BiH da pripremi nacrt sporazuma (sa svim potrebnim elementima: visina glavnice duga i kamate, visina otpisanih potraživanja, rok otplate, te način i hitnost deblokade računa Agencije za privatizaciju FBiH) između Agencije za privatizaciju u Federaciji BiH i tvrtke SA DAGITIM d.o.o Kreševo po presudi Vrhovnog suda Federacije BiH br. 06109319 rev od 15.12.2019. sa ciljem izmirenja duga po presudi u roku od 15 dana i da pokuša iznaći rješenje u vidu isplate jednokratne finansijske pomoći uposlenicima Agencije za privatizaciju Federacije BiH u što kraćem roku.

Obzirom da Domu naroda još uvijek nije dostavljen izvještaj o realizaciji pomenutih zaključaka kao i da javnosti nije poznato da li su poduzete ikakve aktivnosti, Odbor je donio Zaključak kojim poziva Vladu Federacije Bosne i Hercegovine da Domu Naroda i Odboru za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine dostavi Izvještaj o realizaciji usvojenih zaključaka na 3. sjednici Doma naroda održanoj 31.07.2023. godine u vezi Agencije za privatizaciju u Federaciji BiH.

Za izvjestiteljicu na sjednici Doma naroda određena je Amra Babić, predsjednica Odbora.

PREDSJEDNICA ODBORA

Amra Babić, s.r.